

Broj: 01-11-1036-5/23
Sarajevo, 05.04.2023. godine

Na osnovu člana 70. Zakona o javnim nabavkama BiH („Službeni glasnik BiH“ broj: 39/14 i 59/22), Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, broj 33/21), a na preporuku Komisije za javne nabavke za 2023. godinu Federalno ministarstvo za pitanja boraca i invalida odbrambeno-oslobodilačkog rata, d o n o s i:

O D L U K U

o izboru najpovoljnijeg ponuđača za javnu nabavku kancelarijskog materijala i pribora

I

Na osnovu provedenog postupka javne nabavke konkurentskim zahtjevom za dostavu ponuda za nabavku kancelarijskog materijala i pribora broj: 01-11-1036/23 od 20.03.2023. godine, obavještenja o nabavci broj: 746-7-1-4-3-2/23 objavljenog na Portalu javnih nabavki dana 21.03.2023. godine, kao prihvatljiva i najpovoljnija ponuda je ponuda ponuđača Aero-Exclusive d.o.o. Sarajevo čija ukupna cijena ponude utvrđena nakon računске kontrole iznosi 49.468,06 KM bez PDV-a.

II

Ponuda ponuđača iz tačke I. ove odluke ocijenjena je kao najpovoljnija, jer ispunjava uslove postavljene TD-Konkurentskim zahtjevom, a u skladu sa kriterijem za dodjelu ugovora „najniža cijena“.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u TD-Konkurentskom zahtjevu i zakonskim propisima koji regulišu postupke ugovaranja.

IV

Ova odluka objavit će se na web stranici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o Ź e n j e

Postupak javne nabavke kancelarijskog materijala i pribora pokrenut je Odlukom o pokretanju postupka javne nabavke, broj: 01-11-1035/23 od 20.03.2023. godine. Ukupna procijenjena vrijednost nabavke iznosila je 49.572,65 KM bez PDV-a. Obavještenje o nabavci na portalu Javnih nabavki objavljeno 21.03.2023. godine pod brojem: 746-7-1-4-3-2/23. TD-Konkurentski zahtjev preuzelo je 15 (petnaest) ponuđača, a 2 (dva) ponuđača dostavila su ponude koje su blagovremeno zaprimljene na pisarnicu ugovornog organa. U skladu sa provedenim postupkom javne nabavke, ponudu su dostavili ponuđači: Elkom d.o.o Vitez i Aero-Exclusive d.o.o. Sarajevo. Komisija za javne nabavke je izvršila pregled i ocjenu ponuda te konstatovala da ponuda ponuđača Elkom d.o.o Vitez u formalno pravnom odnosno tehničkom smislu ne ispunjava uslove postavljene konkurentskim zahtjevom dok je ponuda Aero-Exclusive d.o.o. Sarajevo prihvatljiva za ugovorni organ, odnosno ispunjava formalno pravne i tehničke uslove, postavljene konkurentskim zahtjevom.

Naime, uvidom u ponudu ponuđača Elkom d.o.o Vitez, konstatirano je da ista nije sačinjena u skladu sa postavljenim uvjetima ugovornog organa i to točkom 4.1.1 pod d) i 4.1.2 pod d) rb 60 TD i točkom 4.1.3 TD. Točkom 4.1.1 TD propisan je opis ponuđenih roba pod rednim brojevima: 7, 8, 15, 21, 27, 28, 29, 30, 44, 45, 46, 47, 49, 60, 61, 62, 67 i 68 iz specifikacije sa slikom u kojoj su jasno i vidljivo označene ponuđene robe sa navedenim rednim brojem stavke iz tenderske dokumentacije i iz kojih su jasno vidljive sve tehničke karakteristike i proizvođač ponuđenih roba. Za ugovorni organ su prihvatljivi katalozi izdati od strane proizvođača ili ponuđača ili ispisi elektronske kataloške dokumentacije sa zvaničnih stranica proizvođača ili ponuđača sa jasno istaknutom vezom na internet stranicu na kojoj se kataloška dokumentacija nalazi. Sva kataloška dokumentacija mora biti uvezana zajedno sa ostatkom ponude. Kao dokaz prethodno navedenoga zatražena je kataloška dokumentacija za robe iz specifikacije pod rednim brojevima: 7, 8, 15, 21, 27, 28, 29, 30, 44, 45, 46, 47, 49, 60, 61, 62, 67 i 68 u kojoj su jasno i vidljivo označene ponuđene robe sa navedenim rednim brojem stavke iz tenderske dokumentacije, slikom za svaki ponuđeni artikl i jasno vidljivim tehničkim karakteristikama kao i proizvođač ponuđenih roba. Za ugovorni organ su prihvatljivi katalozi izdati od strane proizvođača ili ponuđača ili ispisi elektronske kataloške dokumentacije sa zvaničnih stranica proizvođača ili ponuđača sa jasno istaknutom vezom na internet stranici na kojoj se kataloška dokumentacija nalazi. Sva kataloška dokumentacija mora biti uvezana zajedno sa ostatkom ponude. Uvidom u katalog artikala po Aneksu 2. obrasca za cijenu ponude (tehnička specifikacija) konstatirano je da ista ne sadrži katalošku dokumentaciju za robu pod rb 60 (omot akata sa linijom bijeli, plavi, crveni, žuti, zeleni-Svjetlost štampa Sarajevo ili ekvivalent).

Nadalje je konstatirano da je točkom 4.1.3. propisano da su ponuđači u sastavu ponude dužni dostaviti originale ili ovjerene kopije dokumenata kojim dokazuju tehničku i profesionalnu sposobnost. Uvidom u tehničke listove čije dostavljanje je propisano točkom 4.1.1 pod e) i to za robe pod rb 15, 27, 28, 29, 30, 61, 62, 67 i 68 tehničke specifikacije, konstatirano je da je tehnički list za robe pod rb 27, 28 i 29 dostavljen u kopiji i ne sadrži ovjeru nadležnog organa kojom se potvrđuje vjerodostojnost kopije originalu tehničkog lista, čime ponuđač nije ispunio uvjet propisan prethodno citiranom točkom 4.1.3. TD. Naime, ovjera navedenih dokumenata izvršena od strane ponuđača ne može se smatrati ovjerom nadležnog organa jer se ne radi o dokumentu čiji original sačinjava i izdaje ponuđač.

Polazeći od navedenih konstatacija i činjenice da prihvatljiva ponuda Aero-Exclusiva d.o.o Sarajevo u formalno pravnom i tehničkom smislu ispunjava zahtjeve ugovornog organa, te da je Komisija nakon računске kontrole iskazanih cijena i vrednovanja ponude shodno utvrđenom kriteriju „najniža cijena tehnički zadovoljavajuće ponude“, ovlaštenom licu ugovornog organa zapisnikom o pregledu i ocjeni ponuda broj: 01-11-1036-4/23 od 04.04.2023. godine dala preporuku o izboru najpovoljnijeg ponuđača Aero-Exclusive d.o.o. Sarajevo, odlučeno je kao u dispozitivu odluke.

U postupku donošenja odluke cijenjene su činjenice da je Komisija pravilno izvršila ocjenu kvalificiranosti ponuđača kao i ocjenu prispjelih ponuda shodno utvrđenim kriterijima i da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14 i 59/22), podzakonskim aktima i tenderskom dokumentacijom.

POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku. Žalba se podnosi URŽ-u putem ugovornog organa u dovoljnom broju primjeraka koji ne može biti manji od tri.

**Po ovlaštenju Vlade Federacije BiH
POMOĆNIK MINISTRA**

Mirza Terzo

Dostavljeno:

1. Ponuđačima 2x
2. A/a